



კონკურენციისა და სახელმწიფო შესყიდვების სააგენტო
COMPETITION AND STATE PROCUREMENT AGENCY

უმალესი ხარისხის საბეჭდი ქაღალდის 2013 წლის კონსოლიდირებული ტენდერის

სატენდერო დოკუმენტაცია

2013 წელი 23 იანვარი

სარჩევი

1. შესყიდვის ობიექტი და შემსყიდველი ორგანიზაციების წრე.....	3
2. უმაღლესი ხარისხის საბეჭდი ქაღალდის 2013 წლის კონსოლიდირებულ ტენდერში მონაწილეობის პირობები.....	3
3. უმაღლესი ხარისხის საბეჭდი ქაღალდის 2013 წლის კონსოლიდირებულ ტენდერში წინადადების წარდგენის ვადები და სხვა პირობები.....	5
4. უმაღლესი ხარისხის საბეჭდი ქაღალდის ტექნიკური მაჩვენებლების შესავსები ფორმა (დანართი N1)	6

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 20² მუხლის, „ფიჭური სატელეფონო მომსახურებისა და საბეჭდი ქაღალდის სახელმწიფო შესყიდვის კონსოლიდირებული ტენდერის საშუალებით განხორციელების თაობაზე“ საქართველოს მთავრობის 2012 წლის 24 დეკემბრის N2045 განკარგულებისა და „საბეჭდი ქაღალდის კონსოლიდირებული ტენდერის ჩატარების წესისა და პირობების დამტკიცების თაობაზე“ კონკურენციისა და სახელმწიფო შესყიდვების სააგენტოს თავმჯდომარის 2013 წლის 23 იანვრის N3 ბრძანების საფუძველზე.

1. შესყიდვის ობიექტი და შემსყიდველი ორგანიზაციების წრე

1.1 წინამდებარე სატენდერო დოკუმენტაციით განსაზღვრულ შესყიდვის ობიექტს წარმოადგენს **A4** ფორმატის უმაღლესი ხარისხის საბეჭდი ქაღალდი (შემდგომში - ქაღალდი). შესასყიდი საქონლის საორიენტაციო რაოდენობა არის 24 510 შეკვრა.

1.2 შემსყიდველი ორგანიზაციები, რომლებზეც სავალდებულო წესით ვრცელდება კონსოლიდირებული ტენდერი არიან სახელმწიფო შესყიდვების ერთიან ელექტრონულ სისტემაში სახელმწიფო ორგანოს ფორმით რეგისტრირებული ორგანიზაციები (მაგ. სამინისტრო და მის სისტემაში შემავალი უწყებები, როგორცაა ტერიტორიული ორგანოები, სსიპ და სხვ.), საჯარო სამართლის იურიდიული პირის (სსიპ) ფორმით რეგისტრირებული ორგანიზაციები, გარდა ავტონომიური რესპუბლიკებისა და ადგილობრივი თვითმმართველობის ორგანოების მმართველობის სფეროში მოქმედი სსიპ-ებისა.

1.3 გამარჯვებული მიმწოდებელი იღებს ვალდებულებას სახელმწიფო შესყიდვის შესახებ ხელშეკრულება ქაღალდის მიწოდებაზე (შემდგომში - ხელშეკრულება) დადოს 1.2 პუნქტში მითითებულ ყველა შემსყიდველ ორგანიზაციასთან, რომელზეც სავალდებულო წესით ვრცელდება კონსოლიდირებული ტენდერის მოქმედება.

1.4 ყველა სხვა შემსყიდველი ორგანიზაცია, რომელზეც 1.2 პუნქტის შესაბამისად სავალდებულოდ არ ვრცელდება კონსოლიდირებული ტენდერი, უფლებამოსილია მიმართოს უმაღლესი ხარისხის საბეჭდი ქაღალდის 2013 წლის კონსოლიდირებულ ტენდერში (შემდგომში - კონსოლიდირებული ტენდერი) გამარჯვებულ მიმწოდებელს (შემდგომში - გამარჯვებული მიმწოდებელი) ქაღალდის კონსოლიდირებული ტენდერის პირობებით შესყიდვის თხოვნით. ასეთ შემთხვევაში, 2013 წლის კონსოლიდირებული ტენდერის სატენდერო კომისიისთვის, (შემდგომში - სატენდერო კომისია) რაიმე სახის მიმართვა არ ხდება.

1.5 გამარჯვებული მიმწოდებელი ვალდებულია გაუფორმოს ხელშეკრულება შემსყიდველ ორგანიზაციას, რის შედეგად, ქაღალდის მიწოდება უნდა განხორციელდეს კონსოლიდირებული ტენდერის პირობებისა და მოქმედი კანონმდებლობის შესაბამისად.

1.6 1.3 პუნქტში მითითებულ რომელიმე შემსყიდველ ორგანიზაციასთან ხელშეკრულების დადებაზე უარის თქმის შემთხვევაში, ან/და უკვე დადებული ხელშეკრულებით ნაკისრი ვალდებულებების შეუსრულებლობის შემთხვევაში, გამარჯვებულმა მიმწოდებელმა აღნიშნულის თაობაზე შესაბამისი დასაბუთებით უნდა მიმართოს სატენდერო კომისიას, რაზეც სატენდერო კომისია იღებს შესაბამის გადაწყვეტილებას.

2. კონსოლიდირებულ ტენდერში მონაწილეობის პირობები

2.1 კონსოლიდირებულ ტენდერში მონაწილეობის მისაღებად დაიშვება მხოლოდ სახელმწიფო შესყიდვების ერთიან ელექტრონულ სისტემაში (შემდგომში - სისტემა) მიმწოდებლად რეგისტრირებული მომხმარებელი.

2.2 კონსოლიდირებულ ტენდერში მონაწილეობის მიღება შეუძლია მხოლოდ იმ მიმწოდებელს, რომელსაც გააჩნია ქაღალდის მიწოდების არანაკლებ ერთწლიანი გამოცდილება, რისი დამამტკიცებელი შესაბამისი დოკუმენტი უნდა დაერთოს მიმწოდებლის სატენდერო წინადადებას.

2.3 მიმწოდებლის მიერ შემოთავაზებული ქაღალდი უნდა აკმაყოფილებდეს სატენდერო დოკუმენტაციის დანართის სახით სისტემაში ატვირთულ „A4 ფორმატის უმაღლესი ხარისხის ქაღალდის ტექნიკურ მაჩვენებლებს“, რაც უნდა იყოს დამტკიცებული შესაბამისი ინგლისურენოვანი ან ქართულ ენაზე ოფიციალურად ნათარგმნი სერტიფიკატებით.

2.4 მიმწოდებელმა უნდა წარმოადგინოს ქაღალდის მიწოდების პუნქტის/პუნქტების შესახებ ინფორმაცია. აღნიშნული პუნქტი/პუნქტები როგორც მინიმუმ უნდა მდებარეობდეს ქ. თბილისში.

2.5 გამარჯვებულმა მიმწოდებელმა კონსოლიდირებულ ტენდერში ელექტრონული ვაჭრობის დასრულებიდან არაუგვიანეს 3 სამუშაო დღეში სატენდერო კომისიას უნდა წარუდგინოს:

2.5.1 ცნობა გადახდიისუნარობის საქმის წარმოების შესახებ სისტემის მეშვეობით;

2.5.2 ცნობა ბიუჯეტის წინაშე დავალიანების შესახებ სისტემის მეშვეობით;

2.5.3 ამონაწერი სამეწარმეო და არასამეწარმეო (არაკომერციულ) იურიდიულ პირთა რეესტრიდან სისტემის მეშვეობით;

2.5.4 მისაწოდებელი ქაღალდის ნიმუში, 2 შეკვრა, თითოეული უნდა იყოს გაუხსნელ მდგომარეობაში და დალუქული უნდა იყოს მიმწოდებლის ხელმოწერით ან/და ბეჭდით.

2.6 ამ მუხლის 2.5.1-2.5.3 პუნქტებში მითითებული დოკუმენტების გაცემის თარიღი უნდა იყოს არაუადრეს 2013 წლის 1 იანვრისა. აღნიშნული დოკუმენტების წარმოდგენლობის შემთხვევაში, ასევე იმ შემთხვევაში თუ კომისიამ მიიჩნია, რომ მითითებულ ცნობებში არსებული ინფორმაციის გათვალისწინებით მიზანშეწონილი არ არის აღნიშნულ მიმწოდებელთან ხელშეკრულების დადება, მიმწოდებელი ექვემდებარება დისკვალიფიკაციას.

2.7 მიმწოდებელმა სატენდერო წინადადებასთან ერთად სისტემაში უნდა ატვირთოს მის მიერ შეთავაზებული ქაღალდის ტექნიკური მაჩვენებლები დანართი N1-ის შესაბამისად.

2.8 კონსოლიდირებულ ტენდერში მონაწილეობისათვის მიმწოდებელმა უნდა გადაიხადოს კონსოლიდირებულ ტენდერში სატენდერო წინადადების წარდგენის საფასური - 200 ლარი; კონსოლიდირებულ ტენდერში წინადადების წარდგენის საფასური გადახდილ უნდა იქნეს სისტემის მეშვეობით.

2.9 გამარჯვებული მიმწოდებლის სატენდერო წინადადება ძალაშია 2013 წლის 30 აპრილის ჩათვლით.

2.10 კონსოლიდირებული ტენდერი ჩატარდება სახელმწიფო შესყიდვების ერთიანი ელექტრონული სისტემის მეშვეობით და ელექტრონული ვაჭრობა გაიმართება 1 შეკვრა (არანაკლებ 500 ფურცელი) უმაღლესი ხარისხის საბეჭდი ქაღალდის ფასზე.

2.11 კონსოლიდირებულ ტენდერში 1 შეკვრა (არანაკლებ 500 ფურცელი) უმაღლესი ხარისხის საბეჭდი ქაღალდის საწყისი სავაჭრო ფასია 5.80 ლარი (ხუთი ლარი და ოთხმოცი თეთრი). მინიმალური ბიჯის ოდენობა შეადგენს 0.01 ლარს (1 თეთრი).

2.12 კონსოლიდირებულ ტენდერში გამარჯვებულად ჩაითვლება ის მიმწოდებელი, რომელიც დააფიქსირებს ყველაზე დაბალ ფასს. კონსოლიდირებულ ტენდერში მონაწილე ორი ან მეტი მიმწოდებლის მიერ თანაბარი ფასის დაფიქსირების შემთხვევაში, უპირატესობა ენიჭება იმ მიმწოდებელს, რომელმაც პირველმა მიუთითა აღნიშნული ფასი.

2.13 გამარჯვებული მიმწოდებლის მიერ კანონმდებლობითა და კონსოლიდირებული ტენდერის შედეგად ნაკისრი ვალდებულებების შეუსრულებლობის ან/და არაჯეროვნად შესრულების შემთხვევაში, შესაბამისი შემსყიდველი ორგანიზაცია მიმართავს სატენდერო კომისიას

ხელშეკრულების შეწყვეტის საკითხის გადაწყვეტის მიზნით. გადაწყვეტილების მიღების დროს სატენდერო კომისია ხელმძღვანელობს პროპორციულობის, მიზანშეწონილობისა და თანაზომიერების პრინციპებით.

2.14 ანგარიშსწორება უნდა მოხდეს უნაღდო ანგარიშსწორების ფორმით ეროვნულ ვალუტაში და უნდა მოიცავდეს საქართველოს კანონმდებლობით დადგენილ ყველა გადასახადს. შემსყიდველი ორგანიზაცია ვალდებულია, მის მიერ მიღება-ჩაბარების აქტის ხელმოწერიდან 5 სამუშაო დღის ვადაში, მაგრამ არაუგვიანეს საბეჭდი ქაღალდის მიწოდებიდან 10 სამუშაო დღის განმავლობაში განახორციელოს ანგარიშსწორება მიმწოდებელთან. მიღება-ჩაბარების აქტის ხელმოწერაზე უარის თქმის შემთხვევაში, აღნიშნული დასაბუთებული უნდა იქნეს შემსყიდველი ორგანიზაციის მიერ.

2.15 ხელშეკრულების მოქმედების პერიოდში შემსყიდველ ორგანიზაციასა და გამარჯვებულ მიმწოდებელს შორის წარმოშობილი ყველა დავა უნდა გადაიჭრას ურთიერთმოლაპარაკების გზით ან/და საქართველოს კანონმდებლობით დადგენილი წესით.

2.16 ხელშეკრულების პირობები განისაზღვრება წინამდებარე სატენდერო დოკუმენტაციით, „სახელმწიფო შესყიდვების შესახებ“ საქართველოს კანონითა და სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესით“ ქაღალდის შესყიდვის თავისებურებათა გათვალისწინებით.

2.17 ხელშეკრულებაში მითითებული ქაღალდის რაოდენობა საორიენტაციო ხასიათისაა და შესაძლებელია შეიცვალოს ხელშეკრულების მოქმედების პერიოდში.

2.18 გამარჯვებული მიმწოდებელი ვალდებულია მისი გამარჯვებულად გამოვლენისთანავე 1.2 პუნქტით გათვალისწინებული შემსყიდველი ორგანიზაციების მიმართვის საფუძველზე, დაიწყოს მათთან ხელშეკრულების გაფორმების პროცედურები და უზრუნველყოს ქაღალდის მიტანა საკუთარი ხარჯებით ქ. თბილისის ტერიტორიაზე, შემსყიდველი ორგანიზაციის მიერ დასახელებულ მისამართზე, მოთხოვნიდან არაუგვიანეს 1 სამუშაო დღისა და თვეში ერთხელ (თუ ხელშეკრულებით მიტანის სხვა პერიოდულობა არ არის გათვალისწინებული). შემსყიდველი ორგანიზაციის მოთხოვნის შემთხვევაში, გამარჯვებულმა მიმწოდებელმა უნდა უზრუნველყოს მის სატენდერო წინადადებაში წინასწარ მითითებულ ქაღალდის მიწოდების პუნქტში/პუნქტებში.

2.19 ქ. თბილისის ტერიტორიის გარეთ ქაღალდის მიწოდების საკითხი და მიწოდების ღირებულება განისაზღვრება შემსყიდველი ორგანიზაციისა და გამარჯვებული მიმწოდებლის შეთანხმებით.

3. კონსოლიდირებულ ტენდერში წინადადების წარდგენის ვადები და სხვა პირობები

3.1 კონსოლიდირებულ ტენდერში წინადადებების მიღება იწყება 2013 წლის 25 იანვარს და მთავრდება 2013 წლის 28 იანვარს. სატენდერო წინადადების განხილვა სატენდერო კომისიის მიერ ხდება გონივრულ ვადაში და შედეგები ქვეყნდება სისტემაში.

3.2 კონსოლიდირებულ ტენდერში წარდგენილი სატენდერო წინადადება, რომელიც სატენდერო დოკუმენტაციის მოთხოვნებს ვერ აკმაყოფილებს, სატენდერო კომისიის მიერ დაუშვებლად იქნება ცნობილი და მოხდება აღნიშნული წინადადების წარმდგენი მიმწოდებლის დისკვალიფიკაცია.

3.3 სატენდერო კომისიის სახელზე კონსოლიდირებულ ტენდერთან დაკავშირებული შეტყობინებები შესაძლებელია გაიგზავნოს შემდეგი ელექტრონული ფოსტის მისამართზე: paper2013@spa.gov.ge.

3.4 ხელშეკრულების მოქმედების ვადა არ უნდა აღემატებოდეს 2013 წლის 30 აპრილს.

დანართი N1

უმალესი ხარისხის საბეჭდი ქაღალდის ტექნიკური მაჩვენებლების შესავსები ფორმა

1	ქაღალდის სრული დასახელება (ბრენდი)	
2	მწარმოებელი ქვეყანა	
3	გრამაჟი (გრ/მ ²)	
4	სისქე (UM)	
5	სითეთრე (CIE)	
6	გაუმჭვირვალობა (%)	
7	სიკაშკაშე (%)	
8	ზედაპირის ხაოიანობა (ML/MIN)	
9	შეკვრაში ფურცლების რაოდენობა	
10	ქაღალდის სრული დასახელება (ბრენდი)	

უფლებამოსილი პირის ხელმოწერა -----

მიმწოდებლის მიერ შემოთავაზებული ქაღალდი უნდა აკმაყოფილებდეს შემდეგ მოთხოვნებს:

- გრამაჟი (გრ/მ²) – **78– 82**;
- სისქე (um)– **104-110**;
- სითეთრე CIE – **148-167** ;
- გაუმჭვირვალობა – მინიმუმ **94%**;
- სიკაშკაშე – **98-104%**;
- ზედაპირის ხაოიანობა ml/min ორივე მხრიდან – არა უმეტეს **150**
- ISO 9001** და **ISO 14001** საერთაშორისო სტანდარტებთან შესაბამისობა;
- ქაღალდი დამზადებული უნდა იყოს ქლორის გამოყენების გარეშე (გააჩნდეს **ECF** სერტიფიკატი);
- ქაღალდს უნდა გააჩნდეს ტყის სერტიფიცირების დამოწმების პროგრამის (**PEFC**) მიერ გაცემული ლიცენზია/სერტიფიკატი;
- არანაკლებ **500** ფურცლიანი შეკვრა;
- ქაღალდი განკუთვნილი უნდა იყოს ლაზერული პრინტერებისათვის, ჭავლური პრინტერებისათვის, ასლგადამღები აპარატებისათვის და ორმხრივი ბეჭდვისათვის.